

CANTIC

SANTEZ GENOVEFA A BARIS.

PEHINI VE CANET PA VE LAQUET AR RELEGOU D'AN DUT.

Deut Guenezanis da veuli
Genovefa ha d'he fedi,
Galloudec voa var an douar
Galloudus-hoc'h ebars er gloar.

En ilis parous Guenezan
E patronez Genovefa,
Enno ar relego santel
Obten grasso d'ar bopl fidel.

Chileoet 'ta gant carante
Ar santez deus he buez,
Evit galloud he imitan
A laquat poan d'he fratican.

Ar santez-ma so bet ganet
A dud honest paysantet,
En eur vourgaden hep dispriz
Voardro tri c'hart leo deus Paris.

Na voa feneant, na volach,
'Vel ma custum bugaleach,
Modest voa, fur, ive parfet
Evel eur femelen oaget.

Sant Germen a voelas eun de,
Er buguellic ma da Doue,
Hac a laras 'vije parfet,
Mezelour pur d'ar guerc'hezet.

Pa voe seiz vla e voe laquet
Ar lan da vessa an denvet,
Ha gant he denvet he tisque
An dousder, an humilite.

Pa voa maro he zad he mam,
Doue vit rei d'an dud infam
Eun exempl chast a burete,
E c'hasas da Baris neuse.

Da bevarzec vla a eure
Da Doue ven a chastete;
Wit galloud bevan santelloc'h
Ha d'an drindet agreaploc'h.

Dalec neuse dre c'hras an eny,
E castie he c'horf bemde;
Na debre na kuiq na pesket
Bara hey ha fav voa he boet.

Voar e c'horf tener ha santel,
E c'hexerce poaniou cruel,
D'ar yaou ha d'ar sul e tebre
Hac eur c'houris reun a dougue.

Allies hi a govesse,
Ha bemde e sacramento,
Cals a daëro scuille 'n ilis
'Neur assistan er sacrific.

Eur vertu quer bras n'elle quet,
Chom hep beza calomniet;
Tretet e voe d'hipocrites
Ha sellet 'vel eur sorcerez.

Neuze teuas deï eur lornes
A chomme voarnei tri blavez;
Mes Doue bars en he c'halon,
A re he c'honsolation.

Goude 'r lornes devoe eur c'hlevet,
A rentas anei fall meurbet;
Tri dez e bet antieramant
Dilavar hac hep santimant.

An tri de e voe ravisset,
Gant Doue bars en e speret;
Da voelet joaïo an envo
He deus an ifean ar poaniou.

Neuze e c'hassas d'ar c'halvar,
Elec'h ma voelas gant glac'har
Jesus-Christ voar ar groas staguet
Evel ma voe crucifiet.

Goudez grasso evit Jesus,
A re pinigenno euzus;
A Doue dre he fedenno,
A eure cals a viraclo.

Delivran ren dut possedet
Dar re dal roe ar goelet:
Eur buguel a ressucitas
Dre he feden ha sin ar groas.

Prophetiset a deus ive,
Eun nombr a dreo arriet goude;
Ispicial pa voa spontet
Paris gant an ennemiet.

Eur roue barbar Attila
Pini voa eun den ar c'hruella;
De voar Paris, n'eur ravagin,
'Vit he fillal hac he devin.

Ar santez a laras deze,
Lacat o fianç en Doue;
Na vige quet quer quemeret,
A na nige den drouc ebet.

D'anter nos spontet an arme
Rencas partial ac'hane
Evit monet da ravagi
Kerriou all 'bars an Itali.

Neuse evoe ar santes-ma
Estimet bras gant ar bopl-ma,
O velet nac a viraclo
A re dre nerz he fendenno.

Mes piv a alfe explican,
Alusenno ar santes-man ;
E c'harante vit ar bevien
Hac he foanio vit ho souten.

Eur guerez deus an horruflan
A c'hoarveaz en amser-man,
Ar famin voa quer bras er vro
Ma quevet cals a dud maro.

Ar santez dre bep sort poanio,
A valeas nombr a vroï :
Evit dastum ed da vevan ;
An dud a voa o hasteyan.

Mes hoantat voe bars an envo,
Ar santez leun a vertuion,
A goude 'r vuez gloriüs
D'e foe eur maro precius.

Ust d'an auter a voe placet
E relego gant peb respet ;
En Paris lec'h ma man brema
Ilis santes Genovefa.

Mar gre miraclo ne bue
A ra bepret dimeus an env,
Pellat e ra an taer goalen,
Brezel, quernez hac ar vocen.

Ouspen piv benac e fedo
E frotection a santo ;
Vel ma c'harrias en Paris
Dindan ren ar roue Louis.

Eur c'hlenvet estranch ha cruel
A leque nombr bras da vervel ;
Devoet gant eun tan cri meurbet
N'eller rein de sicour ebet.

Quen spontus e voa ar c'hlenvet
Ma teve 'n dud en eur momet,
Ar vedecinet voar nea
N'eljont biscoas ober netra.

Pedi rejont Genovefa,
Da drein divoarne 'r voalen-ma
Er procession voe douguet
E relego gant pep respet.

Pa return bars an Ilis
Relego 'r santez var o c'hiz,
Parzec mil den bian ha bras
N'eur momet yac'hen em gavas.

Parous Guenezan, da douar
So venerabl a leun a c'hloar ;
Rac varne man ar relego
A ra quement a viraclo.

O Guenezanis enoret
Ar relego-man gant respet,
Calmi reont coler Doue,
Liez fachet voar hon buez.

Imitet he humilite,
E dousder hac e chastete ;
Obten rei dac'h digant Jesus
Eur maro mad ha precius.

O ! santez vras Genovefa
P'oc'h aseet er gloar brema ;
Ah ! sicouret ho pugale
Ma c'hefomp davedoc'h d'an env.

FIN.

